

Møteinnkalling

Utval:	Ungdommens fylkesutval
Møtestad:	Panorama hotell, Sund
Dato:	19.01.2018
Tid:	18:00

Du vert med dette kalla inn til helgemøte på Panorama hotel med møtestart fredag kl 18 og slutt kl 15 på søndag.

Dersom nokon av utvalet sine medlemmer ikkje kan møta og må melda forfall, vert dei bedne om å gjere dette snarast ved å fylle ut skjemaet på www.hordaland.no/forfall.

Innkallinga gjeld valde medlemer og varamedlemer i Ungdommens fylkesutval.

Referat frå førre møte finn dykk på Politiske saker (e-innsyn).

Håkon Kongsvik
leiar

Sakliste

Utvals- saknr	Innhald	Arkiv- saknr	U.Off.
PS 1/18	Godkjenning av innkalling		
PS 2/18	Godkjenning av sakliste		
PS 3/18	Godkjenning av møtebok frå forrige møte		
PS 4/18	Referatsaker (meldingar)		
RS 1/18	Oversikt økonomi, per 11.01.2018	2014/560	
RS 2/18	Invitasjon til deltaking i nytt samarbeidsorgan for folkehelsearbeid i kommunene	2017/17537	
RS 3/18	Invitasjon til å kome med forslag om tema til trafikksikringskonferansen for kommunane i Hordaland i 2018	2014/13889	
RS 4/18	Oppdatering om ungdommens fylkesting 2018 frå administrasjonen	2014/560	
RS 5/18	Invitasjon til Ungdommens fylkesting 2018	2014/560	
PS 5/18	Ungdommens fylkesting 2018: Førrebuing	2017/2777	
PS 6/18	Rekneskap for 2017 og budsjett for 2018	2014/560	
PS 7/18	Ymse		

PS 1/18 Godkjenning av innkalling

PS 2/18 Godkjenning av saksliste

PS 3/18 Godkjenning av møtebok frå forrige møte

PS 4/18 Referatsaker (meldingar)

Økonomirapport, Ungdommens fylke

	Regnskap	Budsjett inkl. endring	Formel
ALLE	507	310 000	310 507
100330 Ungdommens Fylke	507	310 000	310 507

Fra: Anne Mette Nesje Porten (Anne.Mette.Nesje.Porten@hfk.no)

Sendt: 05.01.2018 14:06:20

Til: Ingeborg Strandberg

Kopi:

Emne: SV: Invitasjon til deltaking i nytt samarbeidsorgan for folkehelsearbeid i kommunene

Vedlegg:

Supert😊

Venleg helsing

Anne Mette Nesje Porten

Spesialrådgjevar

Regionalavdelinga | Seksjon for næring og lokalsamfunnsutvikling

HORDALAND FYLKESKOMMUNE

tlf: 996 425 77

www.hordaland.no

Fra: Ingeborg Strandberg

Sendt: 5. januar 2018 13:40

Til: Anne Mette Nesje Porten <Anne.Mette.Nesje.Porten@hfk.no>

Emne: SV: Invitasjon til deltaking i nytt samarbeidsorgan for folkehelsearbeid i kommunene

Takk for det! 😊

Eg har ikkje fått heilt oversikta enda, men eg skal vidaresenda det til UFU og gir beskjed så snart eg har fått svar frå dei 😊

Med venleg helsing

Ingeborg Borgen Takle

Rådgivar

Økonomi- og organisasjonsavdelinga | Sekretariat

HORDALAND FYLKESKOMMUNE

Tlf. 55 23 92 81

www.hordaland.no

Fra: Anne Mette Nesje Porten

Sendt: 5. januar 2018 13:14

Til: Ingeborg Strandberg <Ingeborg.Strandberg@hfk.no>

Emne: VS: Invitasjon til deltaking i nytt samarbeidsorgan for folkehelsearbeid i kommunene

Til Ungdommens fylkesutval:

Invitasjon til deltaking i nytt samarbeidsorgan for folkehelsearbeid i kommunane

Kommunesektoren ved KS og staten ved Helse- og omsorgsdepartementet har gått saman om å etablere Program for folkehelsearbeid i kommunane ([folkehelseprogrammet](#)). Dette programmet, som er ei tiåring satsing frå 2017 til 2027, skal bidra til å integrere psykisk helse som ein likeverdig del av det lokale folkehelsearbeidet. Barn og unge skal vere ei prioritert målgruppe. Det skal leggast vekt på å utvikle og spreie metodar og tiltak for å styrke barn og ungdom sine eigne ressursar, deltaking og aktivitet i lokalsamfunnet.

I programmet er ei tilskotsordning som fylker kan søkje opptak i (bli programfylke) - i samarbeid med kommunar og kunnskapsmiljø. Denne tilskotsordninga skal bidra til tilskotsutvikling i kommunane innan temaområda psykisk

helse og livskvalitet og rusførebyggjande arbeid. Tiltak må forståast breitt og vere helsefremjande/primærførebyggjande. Tiltaksutviklinga skal skje på dei arenaer barn og unge naturleg oppheld seg: familie, nærmiljø, barnehage, skole osv. Målgruppa her er barn og unge 0 til 24 år.

Hordaland fylkeskommune arbeider med å utvikle ein søknad for opptak i programmet med frist for 2018 i månadsskiftet februar/mars. Alternativt søker vi opptak som programfylke på nytt i 2019. Tenkt tiltaksperiode om opptak vert i 5 år. Det er planlagt å søkje om 10 millionar kroner årleg til utviklingsarbeid i kommunane i Hordaland.

I samband med dette arbeidet skal det etablerast regionale samarbeidsorgan for arbeidet. I tråd med retningslinene frå nasjonale mynde skal samarbeidsorgana ha ei brei samansetting – både frå politisk nivå i fylkeskommunen, kommunar, høgskular/universitet/kompetansesentre og andre relevante aktørar. Samarbeidsorganet vil bli leia av Hordaland fylkeskommune, og skal vere eit rådgjevande organ for val av tiltak og tildeling av midlar til kommunale prosjekt. Samarbeidsorganet skal også halde seg orientert om prosjektutviklinga i tiltaksperioden. Samarbeidsorganet skal møtast 2-3 gonger årleg.

Håper de kan sende oss tilbakemelding på e-post om dette er av interesse/ikkje av interesse snarast råd. Gjerne to deltakarar. Namn på medlem treng vi innan 15. januar 2018 til kontaktperson Anne Mette Nesje Porten, e-post: annport@hfk.no, eller telefon: 99642577

Vi planlegg første møte i samarbeidsorganet den 31. 01. 2018. Stad: Hordaland fylkeskommune kl. 09.30 til 12.30. Det vil bli sendt dagsorden og sakspapir til møtet.

Ta gjerne kontakt med oss om de har spørsmål om programmet/arbeidet.

Venleg helsing

Anne Mette Nesje Porten

Spesialrådgjevar

Regionalavdelinga | Seksjon for næring og lokalsamfunnsutvikling

HORDALAND FYLKESKOMMUNE

tlf: 996 425 77

www.hordaland.no

Ungdommens fylkesting

Dato: 30.11.2017
Vår ref.: 2014/13889-87
Saksbehandlar: lisadla
Dykkar ref.:

Invitasjon til å kome med forslag om tema til trafikksikringskonferansen for kommunane i Hordaland i 2018

Fylkestrafikksikringsutvalet (FTU) bad i sitt møte 25. oktober 2017 om at Ungdommens fylkesting vert invitert til å komme med innspel til tema på trafikksikringskonferansen for kommunane i Hordaland i 2018. Dette er ein årleg konferanse som FTU arrangerer i november kvart år. Dato for konferanse vil ein komme attende til.

FTU ser gjerne at det vert eit fokus på ungdom på kommande konferansen. I Hordaland har talet på drepne og hardt skadde ungdommar i trafikken gått ned dei siste åra, men ungdom er ei utsett gruppe i trafikken, - særleg som sjåførar og medpassasjerar. Fokus på åtfærd og haldningar er særst viktig i ein slik samanheng.

Innanfor feltet trafikk og ungdom er det fleire tema som kan løftast. Nokre eksempel er ferske sjåførar, rus, alkohol, bruk av bilbelte, fart og fartsgrenser, og eit tydeleg fokus på å seie nei til å sitje på med ruspåverka sjåfør. Når det gjeld gåande og syklende er det sjølvstøtt eit tema med bruk av sykkelhjelm og refleks, men dette er ikkje noko som fyrst og fremst rettar seg mot ungdom. Likevel har kanskje Ungdommens fylkesting innspel og tips til tiltak her?

FTU ønskjer med dette å utfordre Ungdommens fylkesting til å komme med konkrete innspel på kva som skal setjast på dagsorden på kommande konferanse.

Merk at dersom Ungdommens fylkesting ønskjer å delta på konferansen, så er dei velkommen til det.

John Martin Jacobsen
leiar

Lise Fauskanger Ådlandsvik
rådgjevar

Brevet er godkjent elektronisk og har derfor inga underskrift.

NotatDato: 11.01.2018
Arkivsak: 2014/560-282
Saksbehandlar: ingtakl

Til: Ungdommens fylkesutval

Frå: Ingeborg Strandberg

Oppdatering om ungdommens fylkesting 2018 frå administrasjonen

Ungdommens fylkesting 2018 vert heldt 9.-11. februar, og det var planlagt at arrangementet skulle vere på Scandic Bergen Airport, same hotell som nettverkssamlinga i 2017. Dessverre kan ikkje hotellet garantere at dei er ferdig med ombygginga si til 9. februar. Administrasjonen har difor kontakta Quality Edvard Grieg Hotel som har ledig kapasitet den helga, sidan ingen av avtalehotella i området har kapasitet. Dette hotellet har UFT og nettverkssamlinga vore på før.

Invitasjon vert sendt ut til kommunanes postmottak og til koordinatorene for dei kommunale ungdomsråda torsdag 11. januar.

Eigenandel vert sett til 2300 . Då vil UFU subsidiere kvar deltakar med 385 kr. Totalt vert det 19 250 kr, dersom det er 50 deltakarar som melder seg på.

Invitasjon er sendt til Tore Storhaug og til fylkesordførar. Ventar på svar.

Sak om rekneskap 2017 og budsjett 2018 finn de på sakslista på dette møtet, 19.-21. januar.

Administrasjonen ønskjer å understreke at det er viktig at UFU har eitt sosialt program på kvelden begge dagar, samt at UFU er synlege på desse. Slik ser ein til at ingen fell utanom og at det ikkje vert «klikkar». Samtidig vert det ikkje farting i gangane eller aktivitet på romma som kan forstyrre andre gjestar. Tenk på at det alltid er mange nye delegatar som kan kjenne seg usikre og som set pris på at det vert arrangert noko felles.



Til alle kommunale ungdomsråd i Hordaland

Dato: 09.01.2018
Vår ref.: 2014/560-281
Saksbehandlar: ingtakl
Dykkar ref.:

Invitasjon til Ungdommens fylkesting 2018

På vegne av Ungdommens fylkesting har Ungdommens fylkesutval (UFU) gleden av å invitere til Ungdommens fylkesting i Hordaland 2018. Tinget vert arrangert 9. – 11. februar på Quality Hotel Edvard Grieg. Hotellet ligg ved flyplassvegen.

Ungdommens fylkesting i Hordaland (UFT) er ein arena og møteplass for ungdom frå heile fylket. Her kan ein seia si meining og diskutera viktige saker med andre engasjerte ungdommar, samtidig som det er veldig sosialt og kjekt. Ungdommens fylkesting er eit talerøyr, og det øvste organet for dei unge sine interesser i Hordaland. Ungdommens fylkesting vart for første gong arrangert i 1997, og har sidan vorte helde i 20 år på rad.

I tråd med gjeldande vedtekter er det representantar frå kommunale ungdomsråd i Hordaland som kan få delegatstatus på Ungdommens fylkesting. Kvar av desse vert invitert til å sende to ungdommar. Delegatane må etter vedtektene vera mellom 15 og 20 år. Det vil seie at ein må fylle 15 det året Ungdommens fylkesting vert heldt, og kan delta til og med det året ein fyllar 20 år. I kommunar utan ungdomsråd kan ein sende to ungdommar frå til dømes elevråd eller liknande til å representera kommunen.

På Ungdommens fylkesting skal følgjande saker verte vedteken:

- Nytt ungdommens planprogram
- Val av nye medlemmar til Ungdommens fylkesutval
- Eventuelle vedtektsendringar
- Budsjett 2018
- I tillegg skal regnskapet for 2017 verte godkjent.

Ungdommens fylkesutval oppmodar kommunane til å sende engasjert ungdom som er aktive i ungdomsrådet. Send gjerne nokon som kunne tenkt seg å stille til val til nytt ungdommens fylkesutval.

Visst dykk har nokon saker dykk brenn veldig for, så er det mogleg å sende inn saker til Ungdommens fylkesting på førehand! Saker sendast til ungdommens.fylkesutval@hfk.no

Pris per person er satt til kr. 2300,- som inkluderer materiell, overnatting med frukost, middag og lunsj. Innkvartering skjer på triple rom.

Det er vanleg at kommunen du representerer på UFT vil betale for deltakinga. Undersøk dette med den som gjev deg fullmakt til å vera delegat. Reiseutgifter må dekkast av delegaten sjølv, eller eventuelt den skulen, kommunen eller organisasjonen delegaten representerer.

Påmelding gjerast gjennom denne linken: [Påmelding til Ungdommens fylkesting 2018](#) innan 26. januar.

Skulle det vera spørsmål angående invitasjon eller påmelding kan desse rettast til Ingeborg Strandberg: ingeborg.strandberg@hfk.no. Dersom det er spørsmål til innhaldet, ta kontakt med Ungdommens Fylkesutval: ungdommens.fylkesutval@hfk.no.

Vil du vera med å påverka din eigen kvardag? Meld deg på!

Håkon Kongsvik
Leiar Ungdommens fylkesutval

Ingeborg Strandberg
rådgjevar

Brevet er godkjent elektronisk og har derfor inga underskrift.



Arkivnr: 2017/2777-25
Saksbehandlar: Andreas Skretting Jansen

Saksframlegg

Saksgang

Utval	Saknr.	Møtedato
Ungdommens fylkesutval	80/17	02.12.2017
Ungdommens fylkesutval	5/18	19.01.2018

Ungdommens fylkesting 2018: Førebuing

Samandrag

Ungdommens fylkesutval har vedteke at Ungdommens fylkesting 2018 vert halde 9.-11. februar på Scandic Bergen Airport. Innkalling til tinget må ut 2 månader før tinget, det vil seie 9. desember.

For at delegatane skal kunne førebu seg til tinget må ein del dokument skrivast og sendast ut til ungdomsråda. I fjor vart desse dokumenta sendt ut:

- *Program*: vert laga av UFU. Bør kome med utkast etter møte i desember og verte vedteke på første møte i januar.
- *Dagsorden*: Dette er det same som sakliste. I prinsipp kan ein bruke mykje den same som sist. Når det gjeld vala som skal gjerast er det greitt om dei kjem ut på førehand, men om det ikkje let seg gjere kan dei leggast fram i møtet.
- *Forretningsorden*: UFU må vedta denne, sjå gjerne gjennom om det er noko som bør endrast.
- *Budsjett 2018*: UFU må vedta budsjett. Ein sak om dette kjem i møtet i desember.
- *Vedtekter for Ungdommens fylkesting og Ungdommens fylkesutval*: Dette er dei noverande vedtektene og vert sendt som informasjon.
- *Ungdommens fylkesting frå A til Å*: Dette har tidlegare vore utarbeida av UFU for å gjere det lettare for nye delegatar å forstå dei ulike omgrepa som vert brukt på UFT. Bra om UFU ser igjennom om det er noko som bør endrast, fjernast eller leggast til.
- *Årsmelding og rekneskap 2017*: UFU må vedta dette seinast på første møte i januar. Rekneskapet vert lagt fram på det møtet, då det ikkje er mogleg å få gjort ferdig før.
- *Ungdommens planprogram 2017*: Berre til orientering.
- *Ungdommens planprogram 2018, innstilling frå UFU*: UFU må innstille til nytt Ungdommens planprogram 2017. UFU må vedteke dette seinast første møte i januar, men om de vert ferdige med det før vore det best. Då kan ungdomsråda få det tidleg og kanskje kome med forslag til kva dei ønskjer.
- *Forslag til nye vedtekter*: UFU må vedteke dette seinast første møte i januar. Det er sjølvsagt mogleg å kome med endringsforslag på UFT, men UFU har hatt så god tid på seg til å førebu seg.

Desse dokumenta må sendast ut seinast 10 dagar før Ungdommens fylkesting, men alt som ungdomsråda må drøfte før tinget bør kome ut så tidleg at dei har moglegheit til å ta det opp på eit møte i ungdomsrådet. Tingdokumenta for 2016 vert lagt ved denne saka.

Om det elles er nokre praktiske ting det ønskjer til UFT må dette avklarast slik at administrasjonen har moglegheit til å ordne det. Til dømes:

- Ordstyrarar, om de ønskjer at administrasjonen skal invitere dei.
- Innleiarar, om de ønskjer at administrasjonen skal invitere dei.
- Kva materiell skal trykkast opp?
- Kva gåve skal ein gi til innleiarar?
- Kor mange premiar til leikar?
- Plakatar?
- Anna utstyr?

Val som må førebuast på møtet i desember:

- Redaksjonskomite
- Valkomite
- Kontrollkomite

Anna:

- Korleis skal UFT publiserast?
- Korleis sikre at flest mogleg kommunar deltek?
- Opplegg for det sosiale begge kveldane?
- Kjørereglar for UFT?

Forslag til vedtak

Saka vert lagt fram utan tilrådning

Saksprotokoll i Ungdommens fylkesutval - 02.12.2017

Arbeidet med UFT 2018 startet i et eget docs dokumentet. Oppgaver blir også fordelt.

Vi har ferdigstilt et utkast for program til UFT 2018. Vi vedtar endelig program i januarmøtet.

Bertil Søfteland
leiar fylkessekretariatet

Andreas Skretting Jansen
førstekonsulent

Saksframlegget er godkjent elektronisk og har derfor inga underskrift.



Arkivnr: 2014/560-283

Saksbehandlar: Ingeborg Strandberg

Saksframlegg

Saksgang

Utal	Saknr.	Møtedato
Ungdommens fylkesutval	6/18	19.01.2018

Rekneskap for 2017 og budsjett for 2018

Samandrag

Ungdommens fylkesutval skal presentere rekneskapet for 2017 for Ungdommens fylkesting 9.-11. februar. Ungdommens fylkesutval må og innstille eit budsjett for 2018 for Ungdommens fylkesting til same tid.

Det kan sjå ut som om rekneskapet for Ungdommens fylkesting 2017 kan vere noko mangelfullt. Nokre fakturaer kan framleis kome inn. Rekneskapet som er presentert i denne saka er per 11.01.2018. Ein kan sjå at på dei fleste postane har det vore brukt mindre enn budsjettert. Den einaste posten som går i minus er nettverkssamlinga der det vart brukt nesten 18 000 kr meir enn budsjettert. Det kan forklarast ved at eigenandelen berre var 1500 kr, samt at det var færre deltakarar enn tidlegare.

Ungdommens fylkesting hadde eit budsjett på 300 000 kr frå Hordaland fylkeskommune i 2017. I 2018 er dette auka til 310 000 kr. Under ligg administrasjonen sitt forslag til budsjett for 2018 saman med rekneskapet.

Administrasjonen har økt dei fleste postane noko, unntatt Eigen organisasjon.

Ungdommens fylkesting	Budsjett 2018	Rekneskap 2017	Budsjett 2017	Avvik
00 Diverse	0	6233	0	-6233
01 Utvalsmøter	60000	33714	55000	21286
02 Eigen organisasjon	20000	2359	20000	17641
03 Kurs og konferansar	45000	36851	45000	8149
04 Nettverkssamling	85000	81929	64000	-17929
05 Ungdommens fylkesting	100000	56239	87000	30761
Totalt	310 000	217325	271 000	53675

Forslag til innstilling

Ungdommens fylkesting gjer slike vedtak:

1. Ungdommens fylkesting godkjenner rekneskapet for 2017.
2. Ungdommens fylkesting vedtek budsjett for Ungdommens fylkesting 2018 slik det vert presentert i saka.

Bertil Søfteland
Leiar fylkessekretariatet

Ingeborg Strandberg
Rådgjevar

Saksframlegget er godkjent elektronisk og har derfor inga underskrift.

PS 7/18 Ymse